



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 4. Pravilnika o finansiranju projekata i aktivnosti udruženja boračkih populacija na koji je Vlada Bosansko-podrinjskog kantona Goražde dala saglasnost Odlukama broj: 03-11-734/24 od 04.04.2024.godine i 03-11-1675/24 od 01.08.2024.godine, a u skladu sa Programom utroška sredstava Ministarstva za boračka pitanja sa ekonomskog koda 614 300 – «Tekući transferi neprofitnim organizacijama» na koji je Vlada Bosansko-podrinjskog kantona Goražde dala saglasnost Odlukom broj: 03-11-895/24 od 22.04.2024.godine, Ministar za boračka pitanja Bosansko-podrinjskog kantona Goražde **r a s p i s u j e**:

JAVNI POZIV

za dodjelu sredstava za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde

I Predmet Javnog poziva je dodjela sredstava iz Budžeta Ministarstva za boračka pitanja Bosansko-podrinjskog kantona Goražde za finansiranje/sufinansiranje projekata i aktivnosti udruženja boračkih populacija i fondacija koje doprinose poboljšanju statusa boračkih populacija sa prostora Bosansko-podrinjskog kantona Goražde i okolnih općina u RS-u (u daljem tekstu: Kanton), u skladu sa Programom utroška sredstava sa ekonomskog koda 614 300 – „Tekući transferi neprofitnim organizacijama“ za 2024.godinu i to za sljedeće specifične ciljeve:

1. pomoć u realizaciji projekata i aktivnosti udruženja boračkih populacija;
2. pomoć u organizovanju sportskih manifestacija i rekreacije invalidnih osoba pripadnika boračke populacije;
3. pomoć u radu fondacija.

II Pravo učešća po ovom Javnom pozivu imaju boračka udruženja i savezi, fondacije, sportska udruženja i klubovi u organizaciji manifestacija, memorijalnih turnira i drugih aktivnosti sa određenim društveno korisnim ciljem, vjerske zajednice i drugi subjekti čije aktivnosti iz zahtjeva/projekta doprinose poboljšanju statusa boračkih populacija sa prostora Kantona i njeguju tekovine odbrambeno oslobodilačkog rata 1992.-1995.godine i narodno oslobodilačkog rata 1941.-1945.godine (u daljem tekstu: Aplikanti).

III Opći uslovi za učešće aplikanata po ovom Javnom pozivu su:

- registracija Aplikanata na bilo kojem nivou vlasti u Bosni i Hercegovini;
- da je realizacija aktivnosti iz zahtjeva/projekta od interesa za pripadnike boračke populacije Kantona ili doprinose razvoju i afirmaciji Kantona i provode se na području Kantona;
- da postoji ekonomska ili društvena opravdanost za realizaciju aktivnosti koje se predlažu i sprovede zahtjevom/projektom;
- da Aplikanti uredno izvršavaju obaveze iz prethodno zaključenih ugovora sa Ministarstvom.

Prioritetne aktivnosti i mjere koje imaju prednost za odobravanje sredstava su:

- podrška u radu i aktivnostima udruženja boračkih populacija;
- poboljšanje statusa pripadnika boračkih populacija na prostoru Kantona i susjednih općina u RS-u kroz pružanje pravne i drugih vidova pomoći;
- održavanje i uređenje grobalja šehida/poginulih boraca;
- izgradnja i uređenje spomen obilježja iz odbrambeno-oslobodilačkog rata '92.-'95. i NOR-a;
- povećanje kulturno-historijske i obrazovne građe iz odbrambeno-oslobodilačkog rata '92.-'95. i NOR-a;
- socijalna inkluzija i razvoj sporta ratnih vojnih invalida na prostoru Kantona i
- afirmacija volonterskog rada i aktivizma udruženja građana.

IV Aplikanti apliciraju na sredstva u formi koja je propisana od strane Ministarstva, u vidu prijedloga projekta ili u vidu zahtjeva za sredstvima. Aplikant može odabrati najpovoljniji način apliciranja na sredstva te može dostaviti više prijedloga projekata ili zahtjeva za različite aktivnosti u okviru jednog specifičnog cilja. **Za svaki prijedlog projekta/zahtjeva podnosi se posebna aplikacija.**

U slučaju da Aplikant aplicira u formi zahtjeva, u pojedinačnom slučaju traženi iznos ne može biti veći od **1.000,00 KM**, a ako Aplikant aplicira u formi projekta, iznos tražen prijedlogom ne može biti manji od **1.000,00 KM** i veći od sredstava planiranih u budžetu Ministarstva za te namjene.

Za podršku u radu mogu aplicirati boračka udruženja čije aktivnosti i rad iziskuju znatne materijalne troškove ili angažovanje stalno uposlenih lica (radni odnos ili drugi vid angažovanja stručnog osoblja).

Prilikom apliciranja u vidu projekta isti obavezno sadrži: naziv projekta, opis problema/potreba, kratak opis projekta, ciljeve i ciljne grupe (krajnji korisnici) projekta, planirane aktivnosti i vremenski plan realizacije aktivnosti, očekivani rezultati, potreban broj osoba za realizaciju projekta, detaljno planiran budžet sa očekivanim prihodima i rashodima, očekivani rizici u realizaciji projekta i prethodna iskustva u realizaciji sličnih projekata.

Prilikom apliciranja u vidu zahtjeva za odobravanje sredstava, aplikant je dužan navesti sljedeće informacije: razlog zbog kojeg se zahtjevom traži odobravanje sredstava, pregled planiranih aktivnosti, vremenski plan realizacije aktivnosti i detaljno planiran budžet sa očekivanim prihodima i rashodima

Prilikom apliciranja projekta/zahtjeva, Aplikanti su dužni, uz **uredno popunjen obrazac propisan od strane Ministarstva i prijedlog projekta/zahtjeva**, obavezno dostaviti sljedeću dokumentaciju:

V **Dokumentacija koju je potrebno dostaviti:**

- a) popunjen obrazac zahtjeva za finansiranje/sufinansiranje projekta ili aktivnosti,
- b) rješenje o registraciji;
- c) uvjerenje iz Registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo za pravosuđe upravu i radne odnose Bosansko-podrinjskog kantona Goražde, koje nosilac budžetskih sredstava (koje Ministarstvo pribavlja po službenoj dužnosti);
- d) uvjerenje o poreskoj registraciji - identifikacioni broj;
- e) izvod iz važećeg Statuta, ovjeren od strane nadležnog organa, iz kojeg su vidljivi ciljevi i djelatnosti Aplikanta;
- f) izvještaj o urednom finansijskom poslovanju (bilans stanja i bilans uspjeha za prethodnu godinu, ovjeren od strane nadležnog organa);
- g) uvjerenje o izmirenim poreskim obavezama (orginal ili ovjerena fotokopija ne starija od 6 mjeseci);
- h) uvjerenje o izmirenim poreskim obavezama i doprinosima za zaposlenike (ukoliko ima zaposlenika, orginal ili ovjerena fotokopija ne starija od 6 mjeseci);
- i) narativni finansijski izvještaj o radu za prethodnu godinu usvojen od strane nadležnog organa Aplikanta;
- j) program rada i finansijski plan za godinu u kojoj se finansiranje traži;
- k) dokaz o aktivnom transakcijskom računu (potvrda banke ili ovjerena fotokopija ugovora) i
- l) drugu relevantnu dokumentaciju za evaluaciju zahtjeva/projekta.

Dokazi iz tačke V dostavljaju se orginal ili ovjerene fotokopije dokumenata ne stariji od 30 dana, izuzev dokumentacije trajnog karaktera.

Dokumentaciju iz prethodnog stava, Aplikanti dostavljaju samo jednom u toku budžetske godine, osim u slučaju da su nastale promjene u podacima navedenim u prethodno dostavljenoj dokumentaciji.

Aplikanti koji su registrovani u tekućoj godini, dostaviti će odgovarajuću izjavu ovjerenu kod nadležnog organa kojom potvrđuju navedeno.

Aplikanti koji nemaju uposlenih mogu dostaviti odgovarajuću izjavu ovjerenu kod nadležnog organa kojom potvrđuju da nemaju uposlenih i neizmirenih obaveza po osnovu direktnih poreza i/ili doprinosa ili obaveza prema zaposlenicima.

Aplikanti koji nemaju status udruženja/fondacije dostavljaju druge relevantne dokaze o osnivanju i utvrđenim nadležnostima.

Aplikantima kojima su odobrena i doznačena sredstva u prethodnoj budžetskoj godini, a za ista nisu dostavili adekvatan izvještaj o utrošku sredstava sa odgovarajućom dokumentacijom, smatrat će se nepotpunim i kao takvi odbaciti.

Izuzetno od prethodnog stava, projekti/zahtjevi za sredstvima smatrat će se potpunim ukoliko su dobili saglasnost za prenamjenu i produženje roka utroška odobrenih sredstava. U ovom slučaju, aplikant će dostaviti odgovarajuću ovjerenu izjavu.

Odobreni projekti/zahtjevi od strane Ministarstva, mogu se finansirati u cijelosti ili sufinansirati dio odobrenih aktivnosti navedenih u projektu/zahtjevu.

Izvještaj o utrošku sredstava sa odgovarajućom dokumentacijom koja dokazuje namjenski i transparentan utrošak sredstava, prema propisanom obrascu, Aplikanti će podnijeti najkasnije u roku od 15 dana nakon realizacije projekta/zahtjeva odnosno do kraja godine za koju se finansiranje traži.

V Postupak odobravanja sredstava po ovom Javnom pozivu sprovodit će se u skladu sa odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade Bosansko-podrinjskog kantona Goražde, od strane Ministra za boračka pitanja. Isti se mogu preuzeti na web stranici Ministarstva.

Nakon okončanja postupka i odobravanja sredstava od strane Vlade Bosansko-podrinjskog kantona Goražde, sa aplikantima kojima su odobrena sredstva, zaključit će se pojedinačni ugovori kojim će se definisati međusobna prava i obaveze u vezi dodjele sredstava.

VI Javni poziv sa obrascem prijave za finansiranje/sufinansiranje projekata može se preuzeti na službenoj internet stranici (www.mb.bpkg.gov.ba) ili u prostorijama Ministarstva.

Prijave sa potrebnom dokumentacijom navedenoj u javnom pozivu dostaviti u zatvorenoj koverti preporučenom poštom na adresu Ministarstva (1. slavne višegradske brigade 2a, 73 000 Goražde) ili lično u pisarnicu Bosansko-podrinjskog kantona Goražde tokom radnih dana u periodu od 07⁴⁵-16¹⁵ sati. Vanjska strana koverta mora sadržavati puno ime i adresu aplikanta, puni naziv projekta sa naznakom „NE OTVARAJ, PRIJAVA NA JAVNI POZIV“.

Javni poziv ostaje otvoren do 03.septembra 2024.godine do 16¹⁵sati.

VII Rok za podnošenje prijave po ovom Javnom pozivu je:

- za utrošak sredstava iz poglavlja I, tačke 1. i 3. - 15 dana od dana objavljivanja;
- za utrošak sredstava iz poglavlja I, tačka 2. – do kraja novembra 2024.godine, odnosno do utroška raspoloživih sredstava za ove namjene.

Prijave koje ne ispunjavaju opće uslove, te nepotpune i neblagovremene prijave neće se uzimati u razmatranje.

Rezultati Javnog poziva objaviće se na oglasnoj ploči i službenoj web stranici Vlade BPK Goražde.

Broj: 11-11-1124/24
Goražde, 19.08.2024.godine

